

calycis superius concavo-bisulcatum, breviter tridentatum, dentibus ovatis, omnibus mucronulatis vel interdum intermedio minimo inermi; labium inferius superiore sublongius, bidentatum, dentibus ovatis, acutis, mucronatis. Corolla alba, (12) 14—18, (20) mm longa, calyce circ. duplo longior, tubo incluso, intus exannulato, labio superiore recto vel interdum subfalcato, apice bilobo, extus pubescente, labio inferiore subaequilongo, subtus sparsim puberulo, lobo medio reniformi, basi cordato, lobis lateralibus oblongis, obtusis. Stamina exserta, labio corollae superiore circ. duplo longiora; connectiva postice deflexa et abrupte dilatata, extremitate connata. Stylus exsertus, superne solito coeruleus. Nuculae castaneae, venis nigricantibus, inter se anastomosantibus variegatae.

Proxima *S. stamineae* Montb. et Auch., a qua e descriptione Boissieriana (Fl. Or. IV. p. 626) dignoscitur floribus in verticillis paucioribus (6-nis vel 4-nis, non 8—10-nis), dentibus calycinis mucronatis (non inermibus) atque corolla alba (non coerulecente).

Habitat in herbis regionis subalpinae Armeniae, Dzhawakhetiae et Carthalinae in alt. a 5000 ad 8500—9000 pedes supra mare.

Armenia. Distr. Leninakan. Prope oppidum Leninakan (ante Alexandropol). 17. VII. 1928.!! (deflor.) In vicinis pagi Chorom ad radices montis Kecza-czi et in monte Kizyl-dagh VII. 1929.!! In regione subalpina montis Alagez ad pagum Kipczakh et altius. 30. VII. 1929.!! Prope pagum Kizyl-gocz. 16. VII. 1908.!! Ad lacu Gokcza. Fomin!

Dzhawakhetia (in Georgia). Frequenter occurrit in herbis circa oppidum Akhalkalaki (!! ) atque in vicinis p. p. Jefremowka (!! ) et Gorjelowka (!! ) in regione subalpina montis Abul Majoris!!

Carthalinia. Prope Bakuriani Akinfiw!

f. *lobata* Bordz. Folia lobata, lobis bicrenatis vel crenatodentatis.

Habitat in Dzhawakhetia prope oppidum Akhalkalaki (!! ) atque ad pagum Gorielowka (!! ) una cum forma typica.

Ad hanc speciem probabiliter pertinet *Salvia austriaca* sub dubio (cum signo „?“) a Trautvettero pro Armenia in Act. Horti Petrop. II. (1873), p. 577 indicata. (*S. austriaca* L. in Transcaucasia, uti verosimiliter in tota regione Caucasia, omnino non occurrit).

28. *Verbascum clinantherum* Bordz. in Moniteur d. Jard. bot. d. Tifl., nouv. sér., V. p. 45. — [Sect. *Thapsus* Benth.].

Planta biennis, elata, indumento molli e trichomatis verticillatim ramosis constante vestita. Caulis erectus, teres, tenuiter striatus, crebre foliatus, saltem in parte inferiore sordide violascenti-rubellus, inferne dense tomentosus, superne solito magis minusve laxius pubescens, mox in inflorescentiam simplicem spiciformem vel paniculatam, ramis elongatis, semper fere simplicibus abiens. Folia in pagina superiore